


Varios mata di Marihuana creciendo na Rooi Taki



ORANJESTAD (AAN): Diadomingo den oranan di atardi a drenta informe na Central di Polis cu na Rooi Taki tin un auto relaciona cu Joyriding.

Patruxa a bay tira un vista den e vecindario y a topa cu un homber inicialnan G.P. di 24 banda di un cas den decadencia. Den pasado segun version Policial a yega di descubri semianan di marihuana.

Polis a keda observa e homber y nan a constata cu su actitud ta masha nervioso. Agentenan a puntra e homber aki kico e ta haci na e lugar y como contesta el a splica cu tur cos cu ta pnata riba e tereno ta pertence na dje.

Polis a puntre tambe kico asina e ta planta, aki e homber a reacion cu e ta "plantacion di Dios" y ademas ningun hende no por mishi cu su plantacion. Investigacion corto haci door di Polis, a pone nan descubri cu tin sierto cantidad di mata marihuana planta den cercania di un regenbak.

Un total di 6 pochi mata cu e yerba prohibi a keda confisca. Mientras banda di e cas tabata tin un hoki pero esaki tabata na yabi. Ora cu a habri e hoki pa Polis tira un vista paden nan a haya 6 mata di mas di un meter halto di marihuana. Esaki nan tambe a worde confisca y alaves polis a detene e homber G.P. como sospechoso.

Tanto e marihuana confisca

y tambe e sospechoso a worde entrega den man di personal di anti droga pa mas investigacion.

Banco Central ta señala: Ceramento di Air Aruba a causa cu estadia di turista na Aruba a baha

ORANJESTAD(AAN) -- E ceramento di Air Aruba no solamente a afecta e trahadornan y diferente otro compania cu ta traha pa Air Aruba sino tambe turismo. Aparentemente hopi no a mira e dañonan aki di adelanta y awor e consecuencianan ta bin padilanti. DIARIO a yega di publica cu hopi hende ta cuestiona pakico mester a laga e wegá di poder entre e partidonan envolvi, bay asina leu cu a para tur vuelonan di Air Aruba y a laga declara nos compania di aviacion bancarota. Tin hende ta haya cu por a haci un poco mas esfuerzo y lo por a haya compania of companianan cu por a tuma over. A haci diferente esfuerzo pa yuda e fluho di turistanan cu tabatin reservacion cu Air Aruba, pero esaki no tabata suficiente. Te ainda tin bastante keho ta drentando tocante e paramento di vuelonan di Air Aruba. Tempo lo bay muestra ki consecuencianan mas

ainda lo por spera door di esaki.

Den su resumen di relato mensual di November 2000, Banco Central ta muestra cu door di principalmente a para vuelonan di Air Aruba, e estadia di turista na Aruba a baha.

Banco Central den su relato mensual ta muestra cu den e luna bao reviso, e cantidad di anochi cu turistanan a keda riba nos isla a baha cu 13 por ciento te na 381.253 compara cu e crecemento di 17.9 por ciento den e aña anterior.

E bahada aki a worde causa

principalmente door di e terminacion di vuelonan di Air Aruba, e viahamento adicional den 1999 promer cu e cambio di milenio y e incertidumbre rond di e eleccion presidencial na Merca.

Durante e promer 11 lunanan di 2000, e cantidad di anochi cu turistanan a permanece na Aruba a aumenta cu solamente 17 por ciento, 3.8 punto di por ciento mas abao cu den e mesun periodo di 1999.

E cantidad di turista crucero a aumenta substancialmente cu 86.7 por ciento te na 418,669.

Mi Washmachine Laundromat

situa net dilanti Giselle Department Store den

Centro Comercial Noord. Tel: 863766

Habri tur dia di 8:00AM. te cu 9:00PM.

Pa tur bo servicio di laba y seca paña.

Pa esnan cu ta preta cu tempo entrega bo paña
anto pasa busce despues.



UNDA HAC, HOT Y OJO A KEDA!!

